

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 9. De Donatione & Promissione.

urn:nbn:de:hbz:466:1-40873

6. Imò nec si ex metu gravi etiam injustè incusso celebretur contractus , idcirò invalidus dicendus erit , sive onerosus is fuerit sive gratuitus : est enim adhuc liber simpliciter , & voluntarius ; licet à judge rescindi possit ex arbitrio illius , qui metum passus fuerit. *Sanch. Laym. Lugo hic , d. 22.*

7. Excipitur jure positivo contractus Matrimonii , professio religiosa , & alia quæcumque vota , quæ tali metu extorta non obligant ; item contractus dotis , qui in hoc contractum Matrimonii sequitur , promissio vel traditio in rebus Ecclesiæ , authoritas tutoris per metum extorta. *leg. 1. §. ult. ff. de author. tutor.*

8. Illegitimè contrahunt , quibus bonorum suorum administratio non conceditur , ejusmodi sunt furiosi , prodigi , filii familias , uxores , Religiosi , Pupilli , minores. Excipe causus aliquos quos habet *Leff. l. 2. cap. 17. dist. 4.* & qui infrà occurrent.

C A P U T I X.

De Donatione & Promissione.

1. **D**onatio alia est verbalis , per quam res donata non traditur , & parit tantum actionem personalem , in eum , qui donavit : Alia est donatio realis , in qua res donata etiam traditur , & statim transit in rem accipientis.

2. Donatio , etiam adhibitâ scripturâ & testibus , potest ante acceptationem revocari. Ad donationem validam requiritur , ut absenti eam indicet ipse qui donat , nec satis est id fieri ab alio , sine ejus mandato : quod si is cui

res

tar

re

No

eft

int

der

nat

fir

pro

titu

sic

Na

ad

tur

sec

sua

en

ri

Pars 3. tr. 5. cap. 9. De Dōnatione & Promiss. 495
res donatur, præsens taceat, censebitur accep-
tare. Quia in favorabilibus qui tacet consenti-
re censemtur.

3. Donatum pro absente acceptare potest
Notarius, & pro causa pia homo quilibet.

4. Bonorum omnium donatio non semper
est invalida, si donans præsentia tantum bona
intelligat, nec adjungat etiam futura; si qui-
dem pieratis, aut dotis, aut mortis causâ do-
natio facta sit, aut si ea juramento aut morte
firmetur. v. Molin. d. 280.

5. Qui certam summam donando excedere
prohibetur, titulo tamen remunerationis, gra-
titudinis, eleemosynæ donare poterit; etiam
sic imminutâ portione legitimâ filiorum: ita
Navar. &c.

6. Quod datum est per modum dispositionis
ad aliquid, v. g. ad religionem, aliumve sta-
tum, retineri potest, et si postea status ille non
sequatur.

7. Rex potest revocare donationem tam
suam, quam prædecessoris sui, si illa regnum
enormiter lœdat. Bart. Lugo, Diana p. 8. t. 6.
r. 18. &c.

8. Modus adjectus donationi turpis, vel im-
possibilis, censemtur non adjectus. Molina d. 208.
col. 5.

9. Donatio inter vivos, et si res jam tradita
sit, revocari potest in certis casibus, nisi illa
fuerit remuneratoria, aut facta Ecclesiae, aut
Monasterio.

Primus casus est, si donatarius probetur esse
enormiter ingratus, v. g. si donanti graves in-
jurias inferat, aut inopiâ laborantem non su-
stentet, quod notandum est ingratis filiis, qui-
bus

496 Pars 3. tr. 5. cap. 9. De Donatione & Promissiōnē
bus parentes omnia donarunt. *Leff. Sylv. Trul.*
Bonacina.

2. Si donans caruerit liberis , & postea ei
proles nascatur : hæc enim conditio inest do-
nationi , ex dispositione juris , uti notat *Diana*,
Sa. &c.

3. Si donatio fuit talis ut filii omnino priven-
tur legitimā portione , possunt eam , etiam ipsi
filii revocare. *Nauar. Leff. Diana.*

10. Simplicem promissionem rei notabilis,
etiamsi à promissario acceptatam , per se non
obligare sub mortali docet *Cajet. & quidam alii.*
Probabilior tamen videtur contraria opinio
quā tenet *Malder. Vasq. Fil. &c.* si quis veram
promissionem serio expresserit , & non solum
propositum aliquid praestandi.

11. In foro tamen externo ut judicetur seria
& valida promissio, ultra acceptationem requi-
ritur ut exprimatur causa propter quam facta
fuerit promissio , ut tradit *Covar. Villa. Trul. l.7.*
c. 16. d. 6.

Plura de promissione & donatione colligun-
tur ex dictis suprà de devoto , & infra de te-
stamento.

C A P U T X.

De commodato , deposito , mutuo.

1. **C**ommmodatum est contractus , quo res
aliqua quoad solum usum , pro certo
tempore , & gratuitò conceditur.

2. Depositum , est quod traditur custodiendū , ut integrum restituatur.

3. Mutuum ab utroque differt in eo , quod
transferatur in aliud dominium illius rei quæ
mutuo